



Broj: 01-4-01-4-998/26
Sarajevo, 25.8.2026.

Poziv bh. kompanijama za dostavu aplikacija za dodjelu donacije u okviru programa podrške pojedinačnim nastupima na međunarodnim sajmovima u inostranstvu

Poštovani,

Vanjskotrgovinska/ Spoljnotrgovinska komora Bosne i Hercegovine poziva sve zainteresovane kompanije iz Bosne i Hercegovine da pošalju svoju aplikaciju za **dodjelu donacije u okviru programa podrške pojedinačnim nastupima na međunarodnim sajmovima u inostranstvu u 2026. godini.**

Cilj programa je podržati individualno predstavljanje bosanskohercegovačkih kompanija na specijalizovanim međunarodnim sajmovima na ciljnim tržištima.

Kriterijumi za aplikante:

- Donacija se može dodijeliti firmi koja redovno plaća članarinu VTK/STK BiH. Pod redovnim plaćanjem članarine podrazumijeva se izmirenje obaveza po osnovu članarine zaključno sa 2025. godinom i dospjele obaveze za 2026. godinu.
- Kompanija koja je u toku 2026. godine ostvarila subvenciju Komore po drugom osnovu (grupni nastupi na sajmovima, poslovne misije i sl.) može dobiti donaciju do 50% iznosa dodjeljenog po osnovu ovog poziva.
- Za donaciju mogu aplicirati sve bh. kompanije koje su realizovale ili će realizovati individualni nastup na nekom međunarodnom sajmu u inostranstvu u periodu **od 1. januara do 31. decembra 2026. godine.**
- Kompanija može dostaviti **samo jednu prijavu** za individualni nastup.
- Pravo prijave na ovaj poziv imaju samo kompanije koje su na međunarodnom sajmu izlagale **individualno** (a ne u zajedničkom/kolektivnom aranžmanu).
- Pojedinačni iznosi donacije mogu biti :
 1. Za privredna društva koja su u 2025. godini uplatila ukupni iznos članarine od najmanje 10.000,00 KM ili više, donacija iznosi:
 - a) do 3.500,00 KM za nastupe na sajmovima u zemljama bivše Jugoslavije i Albaniji;
 - b) do 10.000,00 KM u ostalim zemljama svijeta (osim zemalja pod a).
 2. Za privredna društva koja su u 2025. godini uplatila ukupni iznos članarine u iznosu između 3.000,00 – 10.000,00 KM, donacija iznosi:
 - a) do 2.500,00 KM za nastupe na sajmovima u zemljama bivše Jugoslavije i Albaniji;
 - b) do 8.000,00 KM u ostalim zemljama svijeta (osim zemalja pod a).
 3. Za privredna društva koja su u 2025. godini uplatila ukupni iznos članarine do 3.000,00 KM, donacija iznosi:
 - a) do 1.500,00 KM za nastupe na sajmovima u zemljama bivše Jugoslavije i Albaniji;
 - b) do 5.000,00 KM u ostalim zemljama svijeta (osim zemalja pod a).

Obračun i isplate donacija izvršiće se na kraju godine proporcionalno broju privrednih društava koja ispunjavaju propisane kriterije i obimu raspoloživih sredstava koji ukupno iznosi 150.000,00 KM.

Uslovi i procedura dodjele finansijske podrške odabranim kompanijama:

- Donacije se dodjeljuju isključivo za sljedeće troškove:
 - zakup prostora na sajmu (uključujući obavezne popratne usluge);
 - uređenje prostora
- Donacije će odabranim kompanijama biti uplaćene na njihov račun nakon završenog nastupa na sajmu i nakon dostave tražene dokumentacije (Izvještaj o rezultatima nastupa, fotografije sa sajma, faktura i dokaza o uplati zakupa i/ili uređenja prostora, popunjen Zahtjev za donaciju).

Prijave i selekcija aplikanata:

Prijava obavezno sadrži:

- Aplikacioni obrazac (Prilog 1) - ORIGINAL
- Rješenje o registraciji i razvrstavanju djelatnosti (KOPIJA).

Aplikacioni obrazac sa pratećom dokumentacijom dostavlja se lično ili putem pošte, u zatvorenoj i zapečaćenoj koverti sa naznakom: **"Prijava za projekat „Podrška individualnim nastupima na međunarodnim sajmovima za 2026.“ – NE OTVARATI.**

Prijave je potrebno dostaviti na adresu:

**Vanjskotrgovinska / Spoljnotrgovinska komora BiH
Branislava Đurđeva 10
71000 Sarajevo.**

Rok za dostavu aplikacije je: srijeda, **30.9.2026. godine u 15.00 časova.**

Pristigle aplikacije razmatraće Komisija za odabir aplikanata. Aplikacije koje ne sadrže navedene priloge, smatraće se nepotpunim i neće biti uzete u razmatranje. Svi aplikanti će blagovremeno biti obaviješteni o rezultatima izbora.

Za eventualna pitanja i dodatna pojašnjenja vezano za ovaj poziv, kontakt osoba je Tarik Kovač, tel: 033 566 235, e-mail: tarik.kovac@komorabih.ba.

S poštovanjem,

P R E D S J E D N I K



Zdravko Marinković

Prilog 1. Aplikacioni obrazac